

آبونه شرائطی : هریر ایچون
سنه لکی (۲۷۵) آلتی آیلغی
(۱۵۰) ممالک اجنیه ایچون
سنه لکی ۳۲۵ غروشدور.

نسخه سی • غروشدور •
ایکی نسخه برآراده
(۱۰) غروشدور
سنه لکی ۵۲ عددور •

اداره خانه : باب عالی جاده سنده
رشید افندی خاندنه

اخطارات
آبونه بدلی پشیندر •

مسلكه موافق آثار مع المنونیه
قبول اولنور • درج ایدلمه یین
یازیلر اعاده اولنماز •

الکشاف

آدره من تبدیلنده ایریجه
• غروش کوندرملیدر •

مکتوبلرک امضالری واضح
و اولوناقلی اولسی و آبونه
سره نومروسی عیشوی
بولونسی لازمدور

ممالک اجنیه ایچون آبونه
اولانلرک آدرس لری نیک
فرانسیزجه یازلمسی رجا اولنور •

پاره کوندردلیکی زمان نه به
داثر اولدیغی بیلدیرلمسی
رجا اولنور •

اتبعون اهدکم سیل البرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

مثنوی

مسجد اقصایک تعمیر

مقام معالی خلافت طرفدن درعهده اولومشدر

فلسطین مسلمانلری تمیل ایتکده اولان فلسطین مجلس عالی شرعیسی نامه دارالخلافة العلیه کن عبداللطیف صلاح بک طوله مانجه سراینده حضور حضرت خلافتناهی به قبول بیورولمشدر .

عبداللطیف صلاح بک فلسطین مسلمانلری نامه خلیفه مسلمین حضرتلرینه عرض تبریکات ایتش و ذات خلافتناهیلرینک مقام معالی خلافتناهی دولایسیله فلسطین مسلمانلرینک حسن ابتدکاری فخر و سروری کونلرجه اجرای شادمانی ایله اظهار ایلدکاری فلسطین مجلس اعلاهی اسلامیسینک امیرالمؤمنین حضرتلرینه اهدا اولونان حرمین شریفینک اوچنجیسی مسجد اقصایک برآلومنی و مجدداقصی قبسینک اخشاب قسمندن برپارچه بی اهدا ایله عرض بیعت ایتکاری عرض ایلشدر . عبداللطیف صلاح بک مسجد اقصایک بحث ایله دیمشدرکه : « محاط علم عالی خلافتناهیلری اولدینی اوزره قدسیقی قرآن کریمده بیان اولونان وبالجمله مسلمان خاقانلری طرفدن تعمیر اولونه کان بومقدس آبد آتجق اجداد عظام خلافتناهیلرینک اجرا ایتدیردکاری قیمتدار تعمیرات ایله حال حاضرینی محافظه ایده بیلمشدر . یکرمی سنه اول محتاج تعمیر اولدینی تحقیق ایدن بونی نظیر ویکانه آبد اسلامیه نیک امر تعمیر متارکدن بر ایکی سنه صوکره فلسطینده تأسیس ایدن (مجلس اعلاهی اسلامی) به قائمش ، بو مجلس ده مقر معالی خلافتناهیلریندن بر هیئت دعوت ایله بوهیئت بر سنه چالیشرق ترسیمات قیه بی ا کمال ایله تعمیراته باشلامشدر . واقعا مجلس اسلامی بو امر تعمیره اشراقی متضمن بیاننامه لر نشر ایتش ايسه ده ذات معالی خلافتناهیلرینک مقام خلافت شرف بخش اولمالزی اوزرینه اهل اسلامی مسجد اقصایک تعمیر دعوت خصوصینک وظائف خلافتناهیلریندن اولدیفنه قانع بولوندینی ایچون بو خصوصی خلیفه مسلمین اولان ذات ستوده صفاتلرینه رفع واعلا ایتکله وظیفه سنی ایفا ایتدیکنه امیندر . »

بونک وزرینه خلیفه مسلمین حضرتلری بالمقابل دیمشدرکه : « مجلس اسلامینک خلافت قارشى اتحاد ایتش اولدینی حرکت کیاستکارانه دن طولانی ارکانی تجیل ایدرم و بو صورتله تقدیم ایتش اولدینی اثرلردن طولانی تشکر ایدرم . اسلام شیمدی به قدر چوق چکمشدر . ن شاءه کوزل بریاستله اساساً مؤمنین بینه مؤسس اولان اخوت تبرایدر و ثمراتی ویرر ، اجداد عظام بالجمله فتوحات واجرا آتده دائماً اسلامه

خدمت خصوصی کوزه تمشدر . بوندن صکره دینی ایشلرده ان شاءالله بوتون عالم اسلام مرکز خلافت اطرافنده طویلانی و بر اتحاد دینی تشکیل ایدرلر . »

مسجد اقصایک تعمیرندن بحث ایله خلیفه حضرتلری بیورولمشدرکه : « بو غایت کوزل ، مقدس بر شیدر . فاتحه اعمال اولقله بوندن تقال ایدرم . بو حرم شریفک قدسیتندن و مساجدک تعمیرندن باحث اولان آیت کریمه ایله باشلایه رق بریاستنامه نشری ایله وظیفه دینی می ایفا ایله حکم . مجلس اسلامی اعضاسی حسن تدبیر و سیاستلرندن ، بو خصوصی مقام خلافتناهی ایتدکارندن و خلافت کوستردکاری مربوطیتندن دولای سزاوار تبریکدرلر . تکرار ایدرم که اعمار خصوصی بکا حسن تقال وریور . فلسطین و مصر مسلمانلرینه بونی تبشیر ایده بیلیرسیکنر . »

افغانستان :

امانه الله فانه حضرتلرینک مرم بر نطقی . — بکن اغستوسک اوچنده افغانستان استقلالک سنه دوریه سنی و استقلال شهادتک خاطر سنی تسمید ایتشدی . بونما بته (کابل) ده اجرا اولونان عمومی احتفاله افغانستان امیری شوکتلوغازی امان الله خان حضرتلری مهم بر نطقی ایراد ایتشدر . بونطقی (کالکتا) ده انتشار ایتکده اولان (الجامعه) رفیقزدن نقل ایدیورز . مشارالیه امیر حضرتلری بو نطقده ازجمله دیمشدرکه :

« معزز قرده شلر ، مظفر عسکرلر ! حق تعالی نیک قلبلرمری تألیف ایدرک لطف الهیسیله اخوتمری دائم ایته سنی نیاز ایدرم . استقلاللری ناصل قازاندیمیزی بلیورمیسکنر ؟ استقلال اولیه مهم برشیدرکه انسان اون اولادینک حسابنه بیله فدا ایتک ایتهمز . استقلال احسان ایدلر . استقلال ظالمزک ، عاصیلرک اندن آلینر . بزده استقلاللری اردومزک قوتی ، ملتیزک همی ، شهادتمزک فدا کارلقری سایه سنده احراز ایتدک . »

« برادرلر ! فدا کارلری حسی و وطن اوغورنده استحقار موت حسی ثروت ورفاهیت ایله انکشاف ایدن حسلردن دکل ، بو حسلر دین ایله ، تربیه ایله قازانیلر مبارک حسلردر . دین و وطن اوغورنده اولمک ، ابدی حیات قازانمقدر . قرآن عظیم الشان بیورورکه « ولا تقولوا لمن یقتل فی سبیل الله اموات ، بل احياء ، ولا کن لاتشمرون = الله یولنده جام شهادتی نوش ایدلرله اولمشلردر ، دیمه ییکز ، اولر حیاته دورورلر . فقط سز طومنازسکنر » وطن اوغورنده اولن ، شرف ملی اوغورنده جان ویرن قرده شلرمر ایچمزدده فدا کارلری حسی دائماً تحریکه مدار اولاجی ، بزى هر زمان مملکتیزى مدافعه سوق ایدمک قیمتی بر خاطر ، جانی یراد کار بیراقشدرلر . اوده عزیز اولادلریدر . بو اولاد شهدا ایشته بوراده درلر . (امیر حضرتلری شهید بابالرینک قانی کوملکارلیله احتفاله اشتراک ایدن چوققری کوسترمشدر) .

« ارقداشلر ! بو یاورورلر باقیکنر ، بونلری تمیز ایدیکنر . بونلرک کیدکاری کوملکاری خوش شهادتله غلطاندر . بونلری قوقلاییکنر . هیکز امین اولیکز که بو یاورورلر نیم اوز اولادلرمدر . میدان شهادتده جام شهادت نوش ایدرک چوققرمک بو یتیملرک نائل اولدینی بلند شرفه نائل اولمالری نه قدر تمی ایدرم . »

افغانستاننامه تنباکینک منعی . — افغانستان امیری غازی امان الله خان حضرتلری اصدار ایتدیکى براراده سنی ایله مملکتی داخنده تنباکینک استعمالی منع

هندستان :

هندستانه معرفت جمعیتی و شریف حسین . — (الجامعة)

رفیق مزده او قوندیفته کوره هندستان خلافت هیئت مرکزیه سی بومبای شهرنده عقد اجتماع ایله مقررات آتییه بی اتخاذ ایتشدرد :

« غزته لده انتشار ایدن تفصیلات ایله ثابت اولدیفته کوره شریف حسین ایله حکومت معهوده سی هندستان کیدن مسلمانلره اک شدید معامله بی روا کورمشدرد . بوکئی معامله لر (حرمین شرفین) ک حیثیتی و عنعنات قدیمه اسلامییه بی اخلاص ایدمک برماهیته کورولدیکندن خلافت جمعیتی شریف حسین قارشی نفرتی اعلان ایدر و مومی الیهک بو حرکتی شریعت اسلامییه بی مغایر و عنعنات دینییه بی هادم برماهیته تلقی ایله . هندستان خلافت جمعیتی علمای هند جمعیتک نظر دقتی حجاج مسلمین طرفندن درمیان اولونان شکایتلره ، شریف حسینک مظلله و سوء حرکتنه جلب ایله بو شرائط آلتنده فریضه حاک ایفا ایدیلوب ایدلیه جکی حقنده فکرلرینی بیان ایتمه سی رجا ایدر .

هندستان خلافت جمعیتی شریف حسینک محل مصری بی اعاده و مصری حجاجه سوء معامله سندن طولانی ده کندیسنه قارشی اعلان نفرت ایدر و بو حرکتی قدیم عنعنات اسلامییه صریح برتجاوز اولارق تلقی ایله .

هندستان خلافت جمعیتی شریف حسینک محلی الخالص ایله سائر مجتهدلرک عراقدن اخراجی بو بوک بظلم اولارق تلقی ایدر و عراق حکومتی کمال شدت و نفرتله پروتستو ایتدیکی کئی حق و مسلمانلق اوغورنده و ظلملرندن اخراج اولونمق آجیسنه گرفتار اولان علمای اسلامییه بی تبریک ایدر .

هندستانه مرئی عصیانیه . — (الجامعة) رفیق هندستان احوال

سیاسیه سی حقنده صوگ نسخه سنده شایان دقت معلومات ویرمکده در . بو معلوماته کوره (تانفور) شهرنده هندستانیلرک انکلتزه حکومتیه قارشی تطبیق ایتمکده اولدقلری عصیان مدنی حرکتی کسب فوت ایتشدرد . حکومت بو حرکتک سرآمدانه قارشی شدتله حرکت ایدرک ایکی بیک ذاتی توقیف ایتش ایشه ده بیه بو حرکتی مطلوب ایتمک موافق اولامامشدرد . بو حرکتک صوگ کونلرده کسب شدت ایتدی حکومتک اهالی بی ، اوروپالیرک مقیم اولدییی ساحه لده استقلال یارانی طاشیمقدن منع ایتیه بور . فقط هند ملیتپرورلری حکومتک بو تنبیها ته اهمیت ویرمیه رک (عصیان مدنی) بی اعلان ایتش و بناء علیه حکومت ده ملیتپرورانی توقیفه باشلامشدرد . حکومت شدت استعمالیه ملیتپرورلر سوز دیکلمه مینجه بونلرله ائتلاف ایتک ایسته مش و بالتلیجه ملیتپرورلر استقلال یاراقلرینی طاشیه زق اوروپالیرک مقیم اولدقلری ساحه لده نمایشلر یایمغه موقع اولمشلردرد .

عربستان :

انکلتزه نیک عربستانه بوردجه سی . — ۱۹۲۴ سنه سی بوردجه سنه

انکلتزه حکومتی عربستان ایچون بوجه آتی مبالغی قبول ایتشدرد : عراق و فلسطینک مدافعه سی ایچون (۷,۵۳۰,۰۰۰) انکلیز لیراسی . عراق ملی اوردوسی ایچون (۴۸۰,۰۰۰) انکلیز لیراسی . فلسطین ژاندارمه سی ایچون (۲۵۰,۰۰۰) انکلیز لیراسی . شرق قریب امورینک اداره سی ایچون (۱۵۸,۰۰۰) انکلیز لیراسی ، عرب رؤسانه معاونت ایچون (۱۲۰,۰۰۰) انکلیز لیراسی .

شهرزاده باشی : اوقاف اسلامییه مطبعه سی

ایتشدرد . بواراده سینه ده دیلیورکه : « مضرعاتلر ملنلرک تربیسته حائل اولور و قوای بدیه ایله قوای عقلیه سی ضمه دوچار ایدر . بناء علیه مملکتک داخلنده تنباکینک استعمالی منع ایدیورم . بونی استعمال ایدرکن و یا ساتارکن دردست اولونانلر بش یوزدن بیک روبله قدر جزای نقدی به دوچار اوله جقلردرد . بواراده تاریخ نفرندن ایکی آی صوکره تطبیق اولونور . »

افغانیه مأمورلرینک معارفه معارفی . — افغانستان مأمورین ضابطه سی اوروپایه تحصیل ایچون کوندربان طلبیه معاونت اولقی اوزره برماشی تبرع ایتشلردرد . بوندن باشقه افغانستان اردوسی مسووبی هرآی معاشرلرندن درد رویه بی افغانستانک هوای فیلسوفی تقویه به تخصیص ایتشدرد . بوسورته حکومتک قوتلرینی تزئیده عائد بودجه سی آیده (۶۰۰,۰۰۰) رویه آرتمشدر .

ایران :

مسلمانلر برملت واحده در . — ایران جزائندن (کستان) رفیقن « اتحاد اسلام » سرلوحه سیله یازدییی بر مقاله ده دیلیورکه : « بوتون مسلمانلر برملت واحده در . بوتون مسلمانلر آره سنده بر رابطه مشترک ، بر حسن مشترک واردرکه ، اوده مسلمانلر قدر . اهل سنت و اهل شیعہ آیری ، آیری جماعتلر دکلدردلر . هبسی ده بر ملت واحده در . سنیلر ایله شیعیلرک اعتقاد آنده بو بوک و اساسلی بفرق یوقدر . هبسی عینی امتک افرادی ، عین دینک سالکیریدر . « دشمنلر مذهب نامی آلتنده بعض مسلمانلری تحریک ایله اهمیتیز برطاقم اختلافلری بیولتمک ایستلر و جهانندن استفاده ایدرک مقصدلرینه فائل اولورلردی . فقط المحدثه ، آرتیق اوقاره کونلر کجندی و مسلمانلر دوستلرینی ، دشمنلرندن آیریدیلر . آرتیق مسلمانلر اهدای اسلام اولان اجنبیلرک تحریکاته اهمیت ویرمه یور و بو تحریکاته قایله رقی بربرلیله بوغوشایورلر . بالعمکس بوتون مسلمانلر گیندا شلرینی اوز قرده شلر طایورلر . »

مجتهدلرک سوء معاضیره دوچار اولملری . — عراق حکومتک شیمی مجتهدلر قارشی التزام ایتدیکی خصوصتکارانه خط حرکت ایران شاهی احمد قاجار حضرتلرینی فوق العاده متأثر ایتش اولدیفندن مشارالیه حضرتلری مراقدن چیقان مجتهدلرک هر برده فوق العاده اکرام و احترام ایله قارشیلانملاری ایچون اسرار ویردیکی کئی (کرمانشاه) ده بو مجتهدلری قارشیلایارق کندیلرینه سلامتی تبلیغ ایتک اوزره عمجه لری (عضد السلطان) ایله معارف ناظری (حکیم الدوله) بی اعزام ایتشدرد .

مجتهدلرک فتواری . — ایرانلی (شفق سرخ) غزنه سی شیمی مجتهدلرک عراقده وقوع بولاجق انتخاباته دائر ویردکاری فتواری نشر ایتمکده در . معلوم اولدییی اوزره عراقده اجرا ایدیله جک انتخاباتدن مقصد انکلتزه ایله (فیصل) آره سنده عقد اولونوب عراقده انکلیز مانداسنی تأسیس ایدن معاهده نامهی قبول و تصدیق در . ایران مجتهدلرندن (ابو الحسن الاصفهانی) بو انتخاباته اشتراک ایدوب ایتمامک سؤاله جواب ویردیکی فتواده دیلیورکه :

« بو انتخاباته اشتراک ایتمک حرام اولدییی اولجه بیان ایتشدک . وضیعت تبدل ایتمشدرد . »

مجتهدلرندن (محمد حسین الفردی) ده دیلیورکه : « بو انتخاباته اشتراک ایتمک و یا خود هرمانکی وجه ایله اوکا یاردم ایتمک حرام اولدیفنه دائر ویردیکن حکم وضیعت تبدل ایتدیکندن کماکان باقیدر . » (علی الحسینی الشیرازی) طرفندن ویریلن فتواده بو انتخاباته اشتراک ایدمک اولانلردن اسلامک بری اولدییی بیان اولونمقده در .